

道元卷之二百四十七

<p> 圣师紫微中天北极大帝， 祖师灵宝先生太清真人廖守真。
上清北帝地司太岁大威德神王至德主帅殷元帅。 帅讳郊，青面青身，
金冠，朱发，绯袍皂缘，绞扎腰间，上左手托日，右手托月，下右手钺
斧，下左手金钟，项上悬挂十二骷髅，自午方五色云中至。 北帝敕召
殷郊速至众神稟令煞恶吞精拒逆者死帝君敕命岁君恶煞火急奉行 岁君
猛吏，总领众神。黄旛前引，豹尾后随。七十二候，二十四炁。恶煞当
先，凶神阑卫。黄钺诛妖，金钟击祟。五方使者，馘毒威灵。九州社令
，血食之宾。上帝有勅，疾速降临。助吾大道，扫灭群精。敢有拒逆，
斩首来呈。玄都律令，杀鬼无停。急急如紫微大帝勅。勒至局出。 上
帝有勅，用紫微诀，见帅极南至，即取太岁炁吹入符。符书吏字下，写
所属之事。二字，不至於三。如招财，捉贼，治病，驱邪之类。后以第
三字盖之，涂仍用前咒，露第一字之半。此字两直落，如髻之状。符毕
，勅遣，仍用帝讳自天目出，目光书入符。 谨据某投诚入意。当司
得此，除已修崇禳谢外，合行专檄者。 太极未分时，方隅亦未有。吉
凶从何生，亦无有休咎。太极既判后，人人会开口，灾害从何生，都缘
不能守。勅此方隅神，悉归吾肘后。吾有秘密将，殷郊奉吾久。亦能灭
汝形，亦能束汝首。汝今依吾令，速避吾罡斗。速退万里外，亦莫损猪
狗。 唵呵伽呢都娑诃伽呢帝释尼伽呢摄。高巩叔疾速承符火急摄。 右
檄请地司太岁大威德神王至德主帅殷元帅，请火急部领高巩叔大将，前
去某处告示所犯土府禁忌，飞注流伏，应犯神祇，火速收回方位，安镇
宫府，毋得似前故违道法，侵害皇民。务要日下保护平安，以为效信。
檄至，准勅奉行，风火不停。谨檄。 年月日时檄。 具法位某承诰奉行
。 又一派 北极天心地司太岁殷元帅郊， 太岁辖下副将通灵显应蒋使
者锐， 七十二候主将， 二十四炁主将， 金钟黄钺大将， 黄旛豹尾大
将， 十二员荡凶神将， 一千二百位官将吏兵。 岁君猛将，统领众神
。黄旛前引，豹尾后随。七十二候，二十四炁。恶煞当先，凶神翊卫。
黄钺诛妖，金钟击祟。五方使者，威猛通灵。上帝有勅，疾速降临。助

吾大道，扫灭魔精。敢有抗逆，斩首来呈。玄都律令，煞鬼无停。急急如北极紫微大帝律令金阙玉皇上帝勅。 唵吽吽灵魁灋摄。 右法，存帅自北天门乘金光彩云而至。 唵呵嚩□咤崎摄。 阴为阴兵神，阳为阳兵神。阴阳气象交，日月复罗列。惟有鬼难当，犯令须令灭。四维及八表，扶桑及咸池。昆仑天地机，斗罡并神灵。乾坤天斡转，我道日兴隆。令行三界内，出火化风尘。急急如北极紫微大帝律令勅。 奉玉皇敕命岁君稟令杀伐凶妖诸神众煞皆听否令紫微大帝符敕煞鬼敢有不从寸斩无赦天地年月日时煞一切凶灾神煞付吾太岁部下受死受煞天煞归天界地煞地中藏 北帝敕召稟令奉行地司猛吏殷郊速至吞魔食鬼济世安民 九天神崇摄，病顺起，报逆用。 □□□□□□□。常用。格正机光衡卫文。紧用。 念玉诰一徧，存金光结成此上一字，盖用。 煞鬼念天蓬咒敕 稟令殷郊敕煞摄 □□□□□□□ □□□□□□□ 贪巨禄文廉武破 起土出笔在坤，谢土出笔在艮，治□病驱邪出笔在艮。



[下载本文pdf文件](/pdf/4860-道元卷之二百四十七.pdf)